

四庫全書

子部

欽定四庫全書

子部

普濟方卷四百三

詳校官太醫院八品吏目黃發

編修臣倉聖脈覆勘

總校官進士臣認琪

校對官修撰臣吳錫齡

謄錄監生臣陳觀龍

欽定四庫全書

普濟方卷四百三

明 周王朱橚 撰

嬰孩痘疹門

一切痘疹附論

夫嬰孩患疹痘瘡子者皆是積熱在於臟腑蒸鬱熱毒散於四肢小兒皮膚內嫩弱多成此疾凡食乳嬰孩湯藥不可與童兒同療用藥過劑必有損也蓋由輕啜乳在於臟腑熱極方成此疾腑熱生於細疹臟熱生

於痘瘡若用湯藥宜療於乳母也又絕乳嬰孩患者
多由積熱伏在於脾肺之間而不早以湯藥療其病
源則毒熱行於四肢榮衛之中漸透於肌膚之表疹
痘乃隨邪熱而出也嬰兒之性自然陽盛而陰微臟
腑陰陽氣逆大小便多秘不通纔覺是此疾即可便
與疎利即輕患也若已出即不可疎轉若出定却宜
利大小腸按扁鵲及倉公論云療於嬰孩服以湯散
性有可餌之者不可餌之者宜先和節陰陽調治榮

衛方利臟腑即熱氣漸解也。○凡絕乳嬰孩生於疹痘或未出已前是此疾候按扁鵲論云可先以油劑服之行解四肢熱極或疹痘已出不可以油可服平和湯藥療於肝臟解於敗熱慮熱毒攻肝後衝於眼目生障翳今覩時醫及疾患之家疹痘未出已前多是誤認疾候皆以他藥解之其間或餌以躁藥或餌以冷藥不無失傷時醫用藥直候瘡疹子出病家方覺患者住餌醫者拱手已患之後俗多禁餌致大小便不通不能調於湯

藥和於臟腑遂停敗熱在於臟腑之間攻於肝臟疹痘
纔愈致令衝於眼目成於障翳不遇醫治瞳人遂損因
茲無所見也○凡斷乳嬰孩童子患疹痘疾候初覺多
似傷寒面色與四肢俱赤壯熱頭疼腰背疼足多厥冷
眼睛黃色脉息但多洪數纔大不定小便赤少大便多
秘纔覺四肢色候及脉息雖是疹痘疹未攻皮毛穴出
者便可以服餽勻和臟腑疎洩逐下若疹痘已結右皮
毛穴處微似出即不可疎洩也或疹出大盛竇穴膿水

者却可疎利也或未與疎利轉即且急服紫草飲子方

辨小兒痘証

呵欠 嘘噴 睡中發驚 或耳尖冷 眼澁

辨復食

口熱 或口中醋氣 姦辦不消 或腹中疼痛

如斑證少具其斑未發乃與升麻湯三五錢帶熱服之待身表溫和斑瘡已顯服藥乃止如其身涼其斑未出辨得斑証無問服數直候身表溫和斑瘡顯後

乃止只時時與桔梗湯寬利胸膈快咽喉

方

宣風散 治小兒瘡豆盛出身體熱煩渴腹脹氣喘大
小便澁面赤悶乳及氣腫水腫并一逐脾間風又治
風腫積腫又治熱筋脉攣縮作痛及豆瘡二三日瘡
病不佳欲死者一服効蓋熱氣蒸於皮膚故瘡痂不
得焦也宜服此導一二行後服生犀磨水解之瘡痂
即焦其効如神

檳榔 陳皮 甘草 各半
西牽牛 生用四兩半
半炒

右為細末三二歲蜜湯下半錢三歲以下一錢食前
易老加防風海蔴云與通膈丸相上下氣血也一方
用一錢水半盞食前服風熱蜜湯調下

牛蒡殭蚕散

牛蒡子炒五錢 白殭蚕去絲頭炒一分

右為末每服一大錢水六分盞紫草二七寸煎四分
連三服量兒大小加減

金匱要略 卷四百三十一
薄荷散

家薄荷葉一兩 麻黃去節各五錢

右為末入姜棗煎服量兒大小為劑

荆芥湯

荆芥穗 薄荷葉 牛蒡子炒甘草炙各等分

右咬咀白朮煎量兒大小為劑

安班散 調理瘡疹已發未發皆可服之

川升麻

赤茯苓白者亦用

黃耆

羌活各一兩

人參去蘆

枳殼去穰炒 桔梗 甘草

各五錢

右㕮咀每服二錢水半盞紫草少許薄荷一葉煎至五分去滓通口服之或加木通糯米同煎量兒大小

為劑

余記治一小兒瘡豆毒氣入心心煩強躁適無討腦子處極是束手無措余自處一方應手而愈用菉豆粉一錢硃砂五分研極細麥門冬濃煎候溫調五分服隨即心神定自此而愈此乃解圍活法耳

余記一婦人年十八九歲出痘正出後忽平伏低陷適遇經脉行其家甚慌余曰証雖危然豆疹低伏乃是血動或苦無害遂用四物湯加人參黃芪四服痘子光壯後只是四物湯此病危甚而愈

當歸丸 當歸五錢 甘草一錢 黃連 大黃各二錢半

右先將當歸熬膏子入藥末三味為丸漸加服之以利為度

消毒救苦散 治班疹悉具消化令不出如已出稀者

再不生斑仲冬立此方隨四時加減通造化明藥性
者能此

麻黃

羌活

防風各五分

川芎

藁本

葛根

蒼朮

黃芩酒炒

生黃芩

柴胡各二分

細辛

紅花

蘇木

橘皮

白朮各一分

升麻

生地黃

酒黃柏各五分

生甘草一分

黃連

當歸身各三分

連翹五分

吳茱萸半分

右剉如麻豆大每服五錢水二盞煎至一盞去滓熱

服空心食前夫班瘡出者皆因內傷必出班營氣逆
故也大禁牽牛巴豆食藥宜用半夏枳术大黃益智
之類去其青濁止其吐若耳尖冷呵欠睡中驚嘵噴
眼濁必出斑也○諸大膿胞水小班癰疹三色皆營
氣逆而寒復其表宜以四味升麻湯中加當歸連翹
此定法也○如肺或膿斑先頭喘咳或氣高而喘促
加人參黃芩以濁壯火而補元氣○如心出小紅班
必先見血溢驚身熱肌肉腫脉弦洪少加黃連○如

命門出癰瘍先必骨疼痛不敢動搖少加生地黃黃柏○諸斑疹皆為陰証瘡湏因傷於乳食脾胃不足營氣逆行雖火勢內熾陰覆其外故錢仲陽製四物升麻湯發之如有傳變証依加減服之

紫草飲子 治小兒痘瘡出被風吹復不見入皮膚內

紫草 人參 茄藥 蟬蛻 甘草 川山甲

土拌

炒各等分

右為末每服一錢水一盞煎七分作三四次溫服

平和飲子 治小兒瘡疹

人參 白术 茯苓 甘草 升麻 各等分

右為細末每服一二錢水煎去滓溫細細飲之量歲
大小虛實以意詳之此藥治諸瘡疼痛煩渴不寧者
皆可服之惟小兒瘡疹尤佳

連翹散 治一切熱兼治瘡疹有神

連翹 防風 柏子 甘草各等分

右為末水煎服海藏云治熱在外而不厥此少陽藥

也

木香散 藥性溫平能和表裏通行津液清上實下救陰助陽治小兒腹脹渴其効如神○瘡始出五六七日之間身熱或腹脹足指冷或渴或身熱驚悸腹脹或渴頻津液內耗血氣不勻瘡雖起而不腐如身溫腹脹咬牙喘渴難治緣水穀去多津液枯竭飲水不止蕩散真氣故多死者急與木香散異功散救之若欲腐已腐忽不能腐腹脹煩渴及瘡已腐其癰

欲落不落煩渴不止不可與水密西瓜紅柿食之轉生焦渴或頭溫足冷或鴻咬牙難治急宜服之○如腹脹鴻渴足指冷渴驚悸渴身溫渴面色㿠白渴寒戰渴氣急咬牙渴水轉渴不已已上九證非熱也脾胃虛津液衰少也宜木香散不愈加丁香攻裏官桂發表表裏俱實其証不致庠塌喘喝而死

木香 大腹皮沈人參去蘆 桂心 赤茯苓去皮

丁香 前胡去蘆 訶子肉 青皮去穰一用陳皮 半夏

姜製甘草各三
分

右剉每服二錢姜三片煎溫服空心量兒大小以意
加減

異攻散 能除風寒濕痺調和陰陽滋養氣血使痘瘡
易出易癟不致痒塌○痘瘡欲癟已癟忽不能癟頭
溫足指冷或腹脹鴻渴氣促速宜服此○瘡痘十日
至十一日當癟不癟身不壯熱悶亂不寧不則硬氣
煩渴咬牙急宜服此加木香官桂以救陰陽表裏

木香 官桂 去皮 人參去蘆 赤茯苓去皮 當歸

丁香 厚朴 姜製 陳皮去白 肉豆蔻各二 白术

一錢 半夏一錢附子炮一錢半
五分 半製 有熱去之

右籠末每服三錢水一盞生薑三片枣五枚煎七分
去滓空心稍熱服三歲兒作三度服五歲兒作兩度
服一週兩歲兒作三五度與服病有大小以意加減
此藥家傳五世累經効驗此藥專理瘡痘泄瀉寒戰
咬牙氣急痘不光澤一方無陳皮半夏

人參羌活散加麻黃

用薄荷葱白煎服湯氏曰汗後尚熱宜服此去麻黃加紫草如已見三五點加紫草陳草皮赤芍藥使熱退瘡出亦輕更調辰砂末半錢以制胎毒瘡出亦輕

胡荽酒 治瘡疹令速出 一名胡荽散

用胡荽三兩切先以好酒三盞煎至數沸入胡荽再煎便用器蓋定不令氣出候冷去滓微微從項已下以噴兒背腹及兩足不可噴頭面仍噴房內床帳常

掛胡荽以群穢惡楊氏曰以胡荽酒噴身使瘡出快

也若兒虛弱及天氣陰寒則可用之若春夏晴熱陽

氣登越之時及兒壯實加以酒麴助虛以大益大胃

中熱熾毒血蓄聚變成黑陷急煎紫草湯入猪尾血

和龍腦服之

一方胡荽法令
乳母飲酒為佳

人參羌活散 治小兒疹痘因服熱藥多發而不透身

體頭面兩目皆腫連日風搐奮身硬直以荆芥薄荷

煎湯服一方用天麻防風丸煎紫草湯同羌活散調

服方見本門痘瘡未見乃可表發類

消風散 治痘瘡或發或未發忽面青暴吼為風邪所傷用此主之痘證以痘冷尻冷足下冷及耳後有紅縷之然湏見心胷間細點如粟起則真是

人參 川芎 茄活 白茯苓去皮 瘰癩炒

防風 薤香 蟬退 荆芥穗 甘草炙

厚朴製 陳皮錢各二

右為末荆芥湯下紫草生葱湯常服亦得

紫背荷殼蚕散

紫背荷葉

霜後貼水者住

真殼蚕

炒去絲牛蒡子住

牛蒡子

炒各等分

右細末研胡荽汁和酒服一錢米飲亦可

五積散

方見風寒暑溫門中寒類

凡遇冬春天寒恐被風寒侵襲去麻黃加肉桂當歸

川芎紫草薑葱煎一方加木香砂仁薑棗煎服

辟穀丹 熏解穀惡

蒼术 甘松 川芎 乳香 降香 北細辛

右末水丸烈火焚之

瀉膀胱法

先用桂枝芍藥大戟等分為末服一錢枣湯調次服

加味宣風散

方見瘡疹類到醫類

大功散 治痘瘡未發正發及未受證者

蒼朮

五錢米泔浸一宿

陳皮

五錢去白皮

防風

去蘆

荆芥

穢各三錢

赤芍藥

五錢炒

厚朴

薑製二錢炒

柴胡

去蘆

縮砂仁

各二錢

牛蒡子

炒二錢

當歸

酒浸二錢

紫草

三錢

川芎

五分

黃芩 二錢 乾葛 二錢 甘草 炙一 錢

右晒乾為末每家用田螺殼七箇桃柳枝各七寸菉豆浸透取皮半盞淨先司命鍋入井水煎熟出滓取清汁再研雄黃末一錢同入鍋內攪勻用節子捧在中庭自東方起南西北中各倒一盞將藥與已出及方發熱及未受證者服

聖功散 治豆瘡已出未收服此解熱消毒勻氣活血
調脾斂瘡神効

防風

蒼朮

米泔浸

荆芥穗

陳皮

去白

牛蒡子

炒

木通

人參

去蘆

川白芷

厚朴

薑製

黃耆

鹽水炙

黃芩

當歸

酒浸

赤芍藥

柴胡

去蘆

肉桂

去皮

木香

枳殼

煨

赤茯苓

甘草

炙

硝砂仁

蟬蛻

川芎

紫草

桔梗

各等分

右除製外餘藥不見火晒為細末先用米泔水溫調一服次淡煮獐猪肉或鰣魚田螺泥鯢櫓藥與患者空心食之無熱者酒調肉櫓有熱者米泔汁調藥櫓

肉食之如痘不起脹用常酒餅藥與藥末等分酒調
肉櫻食之瘡起脹便去酒藥如前櫻食如大便秘結
加四順飲櫻食微利即去四順飲如前櫻食空心櫻
食聖功散仍食後服神功散以解熱毒

天花散 治痘失音

天花粉 桔梗 白茯苓去皮 詞子肉

石菖蒲 甘草炙

右末水調在椀內用小竹七莖縛作一束點火在椀

內煎臨卧服

茯苓湯 治豆瘡痰盛

白茯苓

去皮桔梗去蘆

天花粉

半夏

湯泡

甘草

右剉生薑夾門冬煎服

蟬蛻一物散 治瘡疹漸作身熱似傷寒候只耳尖脚
稍或腹痛者是瘡疹

用蟬蛻二十一箇洗去泥土為末用水一盞慢火煎
至七分去滓量大小溫服如覺疹已出更依前三五

次若冷服即有瘡痕若不是瘡疹候誤服無害

三豆飲 治天行疹痘活血解毒或覺鄉井有此證預

防之則不染

赤小豆 菟豆 黑豆各一升
甘草五錢

右拘淨豆甘草以水煮熟逐日空心任性食豆飲汁
已染者輕解未染服之七日不發如冬月常服可消
臍腑中蘊熱

惺惺散 治小兒風熱及傷寒時氣瘡疹發熱咳嗽不

已恐生疹子

桔梗

細辛去葉 茴姜根

甘草炙

白术

人參去蘆 白茯苓去皮

川芎各等分

右為末每服一錢小一小盞薄荷三葉同煎四分溫
服如要和氣入生薑煎服不拘時一方無川芎
白虎加人參湯

石膏

知母一兩

甘草五錢

粳米一合

人參半

五錢

右剉水煎米熟為度溫服

天麻散

天麻

川芎

升麻

防風

羌活

半夏

薑製各等分

細辛

蟬蛻

去嘴足

荆芥

甘草

炙各二分

右剉薑棗煎夾寒加桂夾暑加柴胡黃芩夾濕加

茯苓蒼术

枳殼桔梗湯 治胸腹脹滿

桔梗

枳殼

炒去核各一兩

右剉散每服二錢水二鍾煎至一盞分二服

小兒麻豆方

用荆苓少許爛研以新井水將布帛裂過入一滴許
麻油打勻令飯之便不悶亂麻已出用黃蠟煎青膠
水即安青膠乃守皮膠是也

紫草湯 治絕乳嬰孩并童兒患疹痘疾候初覺多似
傷寒面色與肢俱赤壯熱頭疼腰脊疼足多厥冷眼
青黃色脉息多浮洪至數大不定小便赤少大便多
祕纔覺四肢色候及脉息雖是疹痘疾未攻以毛穴

出者便可以服餌勻和臟腑疎泄逐下藥按倉公論
云可服油劑不可用燥藥不可用冷藥若疹已結在
皮毛穴處微微出即不可疎泄也或疹出大盛竇穴
膿水者却可疎利也或未與疎轉急且即服此藥
紫草二兩新者細剉先以百沸湯浸好便以物合定
勿令紫草氣出放入人體凡五十日至一百日嬰孩
服藥注子一百五十日至二百日嬰孩服一注子一
歲至二歲兒服半合三歲至四歲兒服一合並宜於

食前午後服此湯疹痘雖出勢亦輕耳常服無妨
治小兒未滿百日患痘瘡槐白皮湯浴方

槐白皮 一兩

益母草 五兩

右以水五升煎至三升去滓浴兒了更取蕷薹菜濃
汁煎再浴作蕷薹菜與乳母亦佳

浮萍丸 治小兒瘡子不出煩悶驚悸

浮萍草

陰乾

晚蚕沙

白薄荷葉

各一
分

右為末用薄荷自然汁煮麵糊和為丸如鷄頭大每

服一丸薄荷湯化下不拘時

龍腦散 治小兒出瘡子不透旋出旋焦

龍腦 牛黃 丹砂 地龍去土取末麝香 乳香

木猴梨

五十枚
却焙

雄黃各一錢研鮆魚甲五片

燒灰

紫草五錢

甘草

生剉二兩

右為散用猪尾上血拌勻入在竹筒子內用油單封
裹綿纏定於深坑子內調稀猪糞浸二七日出淨洗
每服一皂子大龍腦水化下併三服見効

定命散 治小兒瘡疹毒氣不出或出後乾黑色服此

藥發出毒氣瘡子細紅而出一名定命硃砂散

丹砂

研五錢 龍腦 研乳香 研馬牙消研甘草 為末各二錢

右同研均用十二月新獐豬血半升同研勻用青竹筒長二尺留兩頭節開一頭作竅注藥在內黃臘塞定以油絹繫裹封勿令透氣埋地坑中至一日五日取出水洗掛風中四十九日劈開取藥研為細散每服五分新水調下

人參丸 治小兒瘡子黑色

用人參一分為末用牛李子汁瓷器內熬成膏和為丸如豌豆大每服一丸杏膠湯化下不拘時

中和散 治小兒斑痘瘡退熱解躁一名敗毒散

白藥子 甘草炙各一錢 雄黃一錢

右為散每服五分量兒大小加減密湯調下

南朱散 治小兒斑毒不退此方見瘡疹後解餘毒類
一名槐花散

鮮熟丸 治小兒出瘡

甘草生剉

鐵粉

青黛研各五錢

右為末再研勻煉密和丸如鷄頭大每服一丸熟水化下

敗草散 治小兒痘瘡抓搔成膏膿血淋漓肌肉敗壞
緣血氣衰肌內故也

用屋爛草乃蓋屋多年爛草或蓋牆頭草不以多少
或曬焙為末用乾貼無時若渾身瘡破膿水不絕粘
摻衣服難以坐卧可用三二升攤於席上令兒坐卧

甚効神妙無時候以其草經霜雪雨露感天地陰陽之氣善解毒竒功不可盡述

又方

用蕎麥粉或荔枝核燒灰摻瘡上亦好

斑爛作膿痛甚者

用細研黃土傅上或研芒硝末猪膽汁塗不能睡者

麦麸或芭蕉葉襯之

綿繭散 治小兒痘瘡後身體及肢節上生瘡餽蝕瘡

膿水不絕用出蛾綿繭不以多用白礬槌碎塞入繭
以灰火燒候白礬汁盡取出研細每用乾貼痘瘡口
內若不早治則潰筋骨以致難為醫治

瘡爛成片方

用黃牛糞乾傅膿多痛甚者乾淨黃土為末傅之瘡
遍口中痛不能食者五福化毒丹或生蜜浸漬黃柏
取汁啖之為愈凡瘡欲成痴頗以面油酥清蜜潤之
可揭血出無害若乾硬已久必成瘢痕如茶醋如猪

肝猪血之屬每與食之則以脫之迹必為之黯慘然而瘡痂已脫肌肉猶嫩不可盥洗大旱亦不可以手加之胡荽酒能避惡左右所不可無或蒼朮降真用之亦可曰聖瘡七日熱而發七日泡而乾又七日則平復如瘡舊矣大抵調順血氣溫和脾胃均平冷熱則瘡出為甚易若實實虛虛損不足而益有餘則瘡出為甚難調解之法無以逾此或豆豉燒存性作末傅之

麥湯散 治小兒班毒傷寒熱咳水豆毒狀如蚊咬變

成赤生黑不治一名北骨皮散

甜葶藶

一分用隔紙炒
一分濕紙去節甘草分人參一兩

大黃

一分
裹乾濕紙

滑石半分甘草分人參一兩

知母

各一分
羌活各一

地骨皮

五錢
炒

右為末每服半錢水一小盞入小粒同煎至十數沸
服

膠方 治水泡豆瘡

苦參 滑石 蟬粉 輕粉 川白芷各等分

右為末乾擦之立効

治麩豆等瘡

用山豆根水研服少許

治小兒豌豆瘡衆醫不瘥服者神妙

天麻 甘草各一寸 髮灰 黃丹熬一分 馬牙硝三分

五色豆各七粒 黃鹽一分

右為散空心取一錢令水調服利下瘡隙瘡

治小兒豌豆瘡方

用臘月兔肉作醬食

又方

用臘月兔毛煎湯洗豌豆瘡及以毛傅甚良

又方

用肉爛煮取汁洗之乾脯亦得馬肉脯亦可

治小兒發豌豆瘡

用猪膽和朴消塗之

治豌豆瘡

取東壁土一塊許為細末傅之

又方

用馬齒草燒末傅瘡上其根須臾逐藥出若不出更

服良

青黛散 治小兒斑痘豌豆瘡

青黛

研如粉半兩

鐵精漿

一升

右將青黛為散臨時斟酌鐵漿調之一百日兒至二

百日兒服一字七乳前服一歲兒至二歲半錢在食
前午後各一服隨兒大小以意加減

治小兒斑瘡豌豆瘡方

取熟煮大豆汁服之佳

又方

用頭髮一兩燒灰為末湯調服兩字隨兒大小以意
加減

治豌豆瘡

乾漆 人中白 瓦松灰各少許 牙硝 一分

右同研細空心冷漿水調下半錢以吐為度再服一
錢得利三两行其瘡自除神効

治發豌豆瘡方

以小兒着取月水汁和水浴之

治小兒豌豆瘡入肚者

用狗蠻五七箇空心淡酒送下即可救之

鼠粘湯 治小兒瘡豆已出未能得透皮膚或出未能

週遍熱攻咽喉涎盛咳嗽赤眼心煩并消瘡癬癧如
瘡豆後毒氣攻眼成翳障腫痛各以藥時時服之翳
自消

鼠粘子

四兩炒

荆芥穗

二兩甘草

一兩防風

五錢

右為粗末三歲一錢水半盞煎三分去滓溫服不拘
時臨卧逐日三服大利咽膈化痰涎止咳若春冬間
常服免生瘡癧老幼皆宜服海藏云大陽小陽藥也
首論溫平者此也一方沸湯點服

一方 治時氣發豌豆瘡

用川大黃微炒水煎去滓服

治小兒瘡豆方

宜房室中用時時燒大黃蒼术以辟惡穢之氣不宜

燒沉檀降真腦麝滴乳白膠等香

加減異功散

人參 白朮 白茯苓 京芍藥 黃耆

當歸 桔梗 厚朴 紫草 粉草

炙各
三錢

右各咬咀初加南木香二錢煨加肉豆蔻煨再加附子炮隨輕重旋加用
水煎服之

豆蔻丸

肉蔻 三兩 木香 縮砂 三錢 白术 詞子 二錢

右為末米糊丸湯飲下量與

玄參升麻湯 治小兒觸胃必傳疹瘡未發之前並宜
服之

玄參去 升麻 葛根 荘藥 甘草炙各等分

右咬咀每服五錢水一大盞同煎至七分去滓熱服
乳母多宜服

升麻湯 治發豆出後一向作熱

山梔子 柴胡 黃芩 升麻 甘草

赤芍藥 乾葛等分

右咬咀薄荷湯同煎

人參散 治癰疽

甘草一錢 麻黃二錢 芍藥 荆芥 白茯苓

人參

右為末每服半錢薄荷湯下

括樓散 治欲出豆癧

括樓

貝母

荆芥

各等分

右為末用紫草同煎連三服

治瘡癩不透畜伏危困者

右用人牙五箇炙令黃研末乳香湯下噙鼻亦妙

香葛發斑湯 治小兒四時感冒發熱皆可服惟療小

兒痘瘡尚未出過者身發熱頭疼或手心冷耳冷即痘瘡之苗也宜速進此藥數服痘瘡縱出則必少十分穩當此方一大都夏真人家傳方云其家數代子孫痘斑雖有比他人自然稀少因得此方本堂屢用屢効真衛生之良劑也

紫蘇一兩五錢香附子一兩五錢升麻一兩五錢乾葛二兩

陳皮一兩赤芍藥一兩甘草一兩紫草二兩

右咬咀每服四錢重水一大盞姜三片葱白一根同

煎七分去滓溫服滓再煎服不拘時痘瘡出則不必
服如痘瘡已出者不加紫草上服前藥

黃耆六一湯 治疹已出葛根湯痘出光壯地紅活色

黃耆密浸一兩

甘草一兩

右咬咀入枣水煎服

治卒發瘞秘驗方

以石灰隨多少和醋漿水調塗隨手即減

治一切癰

以水煮枳殼為煎塗之乾即又塗之

治瘡疹

用苦參五觔切以好酒三斗漬三十日每飲一合日
三常服不絕若覺渾即差取根皮末服之亦良
治一切癰

以水煮芒消塗之

治癰疹

以苦棟皮濃煎服

瘡疹已出未出

附論

夫瘡疹已出未出之間有類傷寒之狀其瘡之證自然增
寒壯熱身體疼痛大便黃稠此乃正病若無他疾不宜服
藥但當平調之如已出未出之間或渴或腹脹或氣促
裏虛也十一味木香散主之已出未出之間其瘡不光澤
不起發窠不紅表虛也十二味異功散主之已出未出之
間其瘡不光澤不起發根窠不紅而又腹脹渴或氣促
者表裏俱虛也宜與十二味異功散送下七味肉豆蔻丸

方

如聖湯 治小兒身熱頭痛頰赤面紅呵欠清涕瘡疹

已出未出

川升麻

赤芍藥

甘草

各二錢五分

紫草

五錢

白术

二錢

陳皮

一錢五分

右㕮咀每服三錢水一盞煎至六分溫服無時一方入薑二片葱白二根山楂子根三寸同煎熱服壯熱心煩加人參赤茯苓石膏麥門冬去心一方有全蝎

木通無白朮陳皮

四妙湯 治小兒麻豆瘡欲出渾身壯熱情緒不樂不思飲食此可以內消仍令瘡無瘢痕

紫草茸 川升麻 糯米各五錢
甘草二錢
五分

右為粗末每服三錢水一大盞煎七分去滓溫服或有數點黑陷毒攻內者如鄉村無藥便得紫草三二酒煎灌之即發出紅活

二寶散 治豆瘡未發服之內消已出服之解毒不致

大盛 一名玳瑁散

生玳瑁

生犀角

經湯酒泡
煮者不用

右二味磨水二合攬勻服一方每服半合微溫服日

四五服為佳

紅子湯 平調瘡疹及治瘡泡已出色不紅潤身熱喘

急神志昏困 一名紫草散

紅花子

紫草各

兩

一

麻黃去根節

川升麻

各半

兩

右為細末每服五分煎薄荷湯入酒一滴同調下

快班散 平和瘡疹

貫衆

陳淨洗
培乾

赤芍藥

甘草

炮

川升麻

枳殼

炒去滓
各五錢

右為細末每服一錢水一盞入竹葉七片煎至五分去滓溫服量兒大小加減

調中散

白茯苓

人參

紫河車

甘草

炙各等分

右為細末每服二錢水一盞姜三片棗二枚煎六分

溫作三兩次服

竹葉湯

石膏 四兩 知母 二兩 麦門冬 去心 甘草 炙各一兩

右為粗末每服五錢水二盞竹葉一握煎至七分去

滓溫服

犀角飲子

犀角 甘草 炙各五錢 防風 二兩 黃芩 一兩

右為粗末每服五錢水二盞煎至一盞溫服

抱龍丸 治小兒一切風熱中暑驚悸瘡疹欲出多睡
咳嗽延盛面赤手冷足冷發溫壯睡中驚搐搦不寧

脉洪數頭痛嘔吐小便赤黃

天南星 剉開裏白者生為末臘月內取黃牛膽
汁和為劑却入膽內陰再為末半斤

天竺黃 **朱砂** 水飛研二錢 **雄黃** 水飛麝香研五錢

牛黃 一字

右同研極細滴水和丸鷄頭大每服二歲兒竹葉或
薄荷湯化下一丸不拘時候

一出控心散 治小兒班瘡

全蝎

二十
四箇

雄黃

麻黃一分
去節各

右為細末用羌荽以酒煎令溫調下

羌活散 治小兒風壅作瘡子解熱散毒

羌活

獨活

川芎

桔梗

蟬殼

地骨皮

前胡

甘草

炙

柴胡

天麻

荆芥

葛蘿根

防風

以上淨
洗等分

右為細末每服一錢水三分薄荷二葉盞內煎二分

通口服大小加減藥水

奪命散 治小兒瘡麻已發未發並宜服之

升麻 糯米 紫草 甘草各半兩 木通二錢五分

右為判散每服一大錢水七分去滓溫服六歲五歲
以上量大小加減服之

黃耆散 治小兒熱退瘡疹

黃耆 柴胡 乾葛 甘草炙各一錢五分

右為末每服一錢薄荷三葉水五分煎至三分均三

呻空心

治小兒麻痘已出未出便服此藥即稀

牛蒡子一兩同麸炒令黃色去麸甘草一錢炮

右為末每服一字或二字用芫荽煎湯下
四聖湯 治身熱如火頭痛頰赤面紅呵欠鼻瘡瘍疹
已出未出時服宜服

白芍藥 升麻各一兩 甘草 紫草各五錢 乾葛一兩

木通五錢去皮節

右剉散每服二錢水一中盞入生姜二片葱白二根
山楂子根三寸同煎熱服壯熱心煩加人參赤茯苓
石膏麥門冬去心

紫草飲 治豆瘡欲發未發或未透者

紫草 白芍藥去蘆 麻黃去節 當歸 甘草各等分

右剉散每服二錢水一盞煎不拘時服

活血散 治豆瘡已出未出煩躁大人同

右用北白芍藥不以多少為末白湯調下大能活血

止豆瘡脹痛。屡用屢効。一方酒調海藏云。張和之治四肢出不快。加防風大効。此止的大陰藥也。一方剗碎水六分煎。四分去粗分二服。

蟬蛻膏。禦風邪辟惡氣。透肌肉發痘瘡。

蟬蛻去土。當歸。防風。甘草。炙川芎。升麻。

荆芥穗。陳皮。紫草。赤芍藥各等分

右為末。煉密為膏。每一兩作四十丸。木香湯下一方。

無陳皮紫草芍藥煎荆芥湯下。

消毒散 治小兒瘡疹已出未能勻透及毒氣滯遏雖
出不快壯熱狂躁咽膈窒一寒睡卧不安大便秘滯
及治大人小兒上膈攻熱咽喉腫痛胃膈不利並宜
服之瘡疹初出最不宜服宣利藥恐內虛毒入於裏
如五七日不大便只服消毒散微得利便即止服若
別無他證不宜服藥一方并鱉後餘毒未除

牛蒡子

六兩

甘草

炙二兩

荆芥穗

一兩

右為粗末每服二錢用水一盞煎至七分去滓溫服

食後小兒量力少少與之如治瘡疼若大便利者不宜服

人參湯 治小兒瘡痘將出

人參一錢 葡萄苗一分 林檎一枚 木猴梨七枚

右剉碎以水二盞煎至一盞去滓放冷時時令喫
治大人小兒瘡疹已出而復隱其勢危甚諸藥不効者
治之萬不失一

紫背何葉霜後貼水 背紫者 白殭蠶直者炙去絲

右等分為末細每服一錢小兒半錢研胡荽汁和酒
下米飲亦得

梔子升麻湯 治天行麻痘疹子未出潮熱如火讝語
小便難澁

升麻 白芍藥 乾葛 山梔子 藍葉

甘草各等分

右為末燈心同煎服之

表解散 治天行水疹腥臊未出潮熱麻子等証

防風 川芎 全蝎 荆芥 紅花 麻黃去節

當歸 蟬退 薄荷 川芎 茯苓 白附子

甘草各一升麻一分硃砂研五麝香少許

右為末每服五分金銀薄荷湯調下

治瘡泡將出 以牛蒡子炒令熟杵為末每服一錢入
荆芥穗水一盞同煎至七分放溫服如瘡疹已出更
服亦妙

治天行瘡子不出 以紅藍花子吞數顆

治時氣發瘡疹不出者以葡萄研酒飲之甚効

痘瘡未見乃可速利

附論

嘗考聖思論瘡痘臘腑氣逆大小便多秘才覺似此即疾可便與疎利而輕患也今覩時醫久疾患之家疹痘未出已前多是悞認疾候皆以片藥治之其間或以燥藥或餌冷藥不無失傷痘瘡初覺多似傷寒證如疹痘未攻皮毛究出者便可服餌調和臘腑疎洩遂下而活人書及云瘡痘與傷寒相類疑似之間只與升麻湯治

瘡子已發皆可服不可疎轉痘瘡已定却宜利大小腸此為大戒傷寒身熱固不可下瘡疹發熱尤不可轉世人乃云初覺以藥利之宣其毒氣悞矣如小兒傷寒頭痛潮熱咳嗽氣粗煩渴心躁小便多赤大便不通熱盛於精神恍惚即發驚搐延盛悶亂瘡痘未分大證小兒若執前說只與升麻湯不可疎轉其病可乎統言已發未發不可疎轉疹痘發熱在表尤不可轉論中使洗心散治瘡痘用大黃服之能動臟腑莫有妨害乎又云

痘瘡已出不可轉疎出得已定或膿血大盛却用疎利者亦非大抵瘡痘首尾皆不可下小兒身熱耳冷咳嗽輒用利藥即毒氣入裏殺人論中洗心散治身熱咳嗽皴瘡疹痘此藥性寒能利曰又如何既言瘡痘首尾皆不可下只此論中無此散內使硃砂腦射膩粉水銀等服取如爛魚腸豈不是下藥也二說俱未定董氏論瘡痘未出往往疑為傷寒即以麻黃等藥重發其汗遂使表虛裏實或稱欲出多以熱藥活人書云易流必散內

用大黃麻黃治麯瘡痘疹并麻黃黃芩湯用黃芩休枚
治瘡痘不快或出不快或出尚熱皆能發汗可不謂之
無冷熱藥乎又云若為陰癪治之用溫驚藥則熱愈盛
至三四日證候已定方用瘡痘藥所失多矣按諸書云
陰癪者出於吐瀉之後大病之餘身體不熱而瘦癥者
謂之陰癪不熱可得三四日證候已定方用痘藥諸書
中表嘗見說有不身熱出瘡痘者不可不辨也張氏論
云才覺是瘡痘便早疎利熱輕易療又云應瘡痘早出

若才出皆不可轉利既言才覺是瘡痘即是先證也又云早出不可疎利於此自作兩說使後人不能無疑惑也又錢氏論瘡痘惟用溫涼藥不可妄吐下及攻發又云寒顫噤牙身黃紫腫以百祥丸下之又身熱煩渴腹滿而喘大小便澁而赤悶亂大吐當利小便不差宣風散下之嬰童寶鑑云疹痘是臟腑俱熱發皮膚為之熱在腑為疹熱在臟為痘未發同一治未出可不鮮熱而退既出忌忽下及冷藥逼之其病不出在裏害人今考

諸經方論有言之未盡者雖云痘瘡首尾皆不可下或云未出宜疎利出定宜疎利出盛宜疎利分證不明互說差殊驗之平日所治大抵瘡痘之病首尾証平下之者誤首尾有實熱證不下者誤切不可用巴豆去下之此藥乃攻食積爾首尾有虛寒證不補者誤痘瘡出透澤肥紅證平者不湏服藥寶鑑之說誠為可信錢氏之用必勝膏治五太尉而愈活人書用無比散治四惡候出不快及黑瘡子內使硃砂腦射牛黃輕粉水銀等服

之取下如爛魚腸推之藥惟難用而寶鑑云未發同一
治以此觀之但隨證用藥真明驗也醫官論云刑分輕
重患別淺深刑法二罪俱發從重者論醫書云二病俱
發從重者治誠良活法也蓋瘡痘多是冬溫所變若冬
有非時之氣瘡毒未發之前常宜服溫藥令大便稀薄四
順飲服令溫微剗大黃甘草下之則濕毒內消又有時
時行者大小傳染乘瘡毒未發之前亦可服餌兼飲油
劑以預防之設有痘瘡必輕易療若身疼壯熱頭疼心

煩煩赤氣粗不與小汗何由消散麻黃黃芩湯或洗心
散薄荷散湯如臟腑久秘毒攻腰腸心腹脹滿不與微
利何由解釋四聖飲大柴胡湯或調胃承氣湯然汗下
之法不可造次今熱之藥用何詳審活人書云疑似之
間只與升麻湯凡療瘡子已發未發皆不可疎轉或云
不可汗下寒熱之藥只可紫草湯一味飲之然此二說
甚善若執其兩端止治輕疾而以當治大病拱手待斃
若當遇或汗或下之證而疑惑不決往往經時以致夭

傷者多矣調瑟者必先移柱用藥者必先審證不可執一也

方

油劑法 治小兒臘腑伏熱毒疹痘未盛四肢微覺有熱食物似減頭髮乾燥或熱進退

右以生麻油一小盞溫和熱水一小盞旋旋傾熱水入油盞內不住手以竹子打攪直候熱水盡更打令劑如蜜即止夜卧時三歲半小盞一歲內外者每服

二覲殼量大小加減直候大小便微利熱退瘡痘不生也○萬全方云可先以油劑服之行解四肢熱極或瘡痘已出不可以油可服平和湯藥療於肝藏解於敗熱虛熱毒大盛

扁鵲油劑 治預解胎毒如已出及見紅點者不可服又以生甘草末或煎湯入清油用桃柳枝攪如密量大小增減與兒服微利為度

又方

右以手蘸清油摩兒背脊中間亦驗

化毒湯 治小兒麻痘瘡欲出一名紫草散

紫草茸

升麻少用

陳皮等分

右剉入糯米五十粒溫服劉氏家傳方云服此一盞即內消只二服有効

黃連散 治小兒熱毒盛發疹痘瘡初發早覺者宜服此方

右用黃連一兩去鬚搗篩為散每服一錢以水一小

盞煎至五分去滓不許時候量兒大小分減溫服
清黛散 治小兒斑瘡及疹痘心神煩躁眠卧不安

右用波斯青黛如棗核大以水調服之疹痘論用磨

刀水調下

當歸散

川當歸一兩

甘草一分

右為細末每服二錢水一中盞豆豉十粒同煎至六
分去滓量兒大小服以利動為度逐日冷喫甘草汁

三歲以下一歲以上加減服

治瘡候未作膿心膈躁睡不安者

右用黑豆煮汁徐徐服亦解

油劑方 治小兒方一二歲發熱恐成瘡豆以此止之

生麻油

童子小便

各半盞

右逐旋夾和以柳枝頻攬令如蜜每服二蚬殼許服畢令睡少時但三四服大小便利身體熱退即不成瘡痘之證若行迹以露不可服

化毒散 治小兒瘡痘始出纔有白泡忽陷入於肉漸

漸作紫色無膿日夜啼哭煩躁一名敗毒散

麝金

甘草

炙一
分

右用水半椀令水乾去甘草將麝金切作片子令乾為末入生腦子半錢研令均用生豬血研成稀膏子煎薄荷湯化下一錢不過二服其毒氣從手足心出如癰狀乃差此五死一生之疾候若便血瘡壞無膿者十死不治一法可用蟬蛻末半錢好腦子一皂子

大猪心血三皂子大和作膏子用熱酒浸紫草令溫
下化服多時身上發大熱瘡毒頓出然後可依證調
治之

瘡疹出不快

附論

夫痘瘡出不快皆言毒氣壅盛妄謂其熱以藥宣利解
散致令臟腑受冷榮衛澁滯則血氣不能充實皮膚肌
肉其瘡不起發不充滿不結實不成痂煩多痒塌煩躁
喘渴死皆因宣利解散之過也關人氏云出不快者數

証不回下可不辨者自紅班出齊之後當滴成血泡血
泡成膿膿泡成痴疣而愈若結班已見三四日而不愈
者乃毒氣內陷其證危矣切不可妄發及妄下發之則
為班爛下之則為虛脫凡小兒蘊毒在內遇冬溫或春
夏暄熱腠理蒸鬱遂出為瘡痘若正發之際忽天氣大
寒毒氣交伏而不出則精神昏冒面青發熱或纔言妄
語當此令用解肌表而出之如紫草蟬蛻發散兼溫養
如或血散之類或寒證畢備者凡和解散之劑皆可斟

量用之又有紅班方出或內虛或因犯胃氣臟腑自利虛弱不食遂陷而不出者亦用溫裏之藥甚者雖硫黃薑雌靈砂伏火丹砂等亦可用或將成血泡之際一半尚是紅斑點者此毒氣發越未透也宜半溫裏半助養之劑或內虛甚而生寒大便利者宜理中薑附輩以溫之裏溫則氣不消不陷伏也內實者皮厚肉密毒氣難於發越至服大黃梔子乾葛石膏之類而得乎順者或有通一當炎月觸暑者邪煩躁喘急大渴昏迷而發不

映用白虎石膏湯抱龍五苓之類而得安靜者此皆臨病識證隨時審辨不可執一也凡瘡疹或成膿泡一半尚是紅點此毒氣發越未透必不能乳食大便如常者宜半溫裏半助養之劑理中湯四聖散紫草木香湯若內實之人皮膚厚肉理密熱毒難以發泄至服大黃梔子乾葛之類不得平順者宜服犀角消毒飲

方

藍根散 治小兒瘡疹出不快及倒屨

板藍根 一兩

甘草 剉炒三錢

右為細末每服半錢或一錢取雄雞冠血三兩點同溫酒少許食後調服下無證勿服

四物湯 治小兒時行疹痘熱已出未出不快又消瘡班余毒大瘡痘不透者為血滯故也此藥能活血調順瘡痘無如此藥活人書用一味白芍藥為末治瘡痘不快以此如四物湯誠瘡痘之仙藥也一方加甘草尤妙

白芍藥

川芎

熟地黃

當歸各等分

人藥治血利痢入嬰粟殼同煎甚妙

右為麩末三歲一錢水半鍾煎三分去滓此本是婦化毒散治小兒瘡痘未定或出不快

紫草茸

升麻

甘草

炙各等分

右㕮咀三歲一錢水半盞糯米五十粒同煎三分去滓不拘時劉氏傳云麸豆欲出渾身壯熱不思飲食若服此一盞即內消已有一兩顆出即解其半若全

出即當日頭焦只三服消毒消飲同服妙

紅花湯 治小兒瘡痘不出

紅花子

紫草茸各五錢

蟬蛻一分

右㕮咀酒水中半煎去滓溫服大小加減

驅毒散 治小兒瘡疹痘不快

白花蛇

酒浸一宿炙黃去骨為末

麝香

少許

右為末三歲一字酒調下蟬蛻湯亦得良久便出

無比散 治小兒瘡疹出不快及黑瘡子應一切惡候

及治痘毒灌咽喉聲啞涎喘

硃砂一兩
好者牛黃 麝香 腦子 脑粉各一分

右為末一歲一字水銀少許用猪血尾三兩滴新汲水調服寧穩得睡然後取下如爛魚腸葡萄穗之類涎臭亞物便安乳汁調尤妙一方無水銀大人半錢如聖紫草湯 治瘡痘出不快或喫乳嬰兒與乳母薰服之四五歲已外只令

服兒

紫草

二兩

陳橘皮

一兩

右咬咀白水煎服

一方為末每服一錢水盞入葱白三寸煎至六分去滓溫服量兒大

小加減

麝香膏 治瘡疼不透

右旋取猪心血調麝香少許塗兩手心并口唇上

無價散 治班瘡發出不快

經驗名化毒散預取等分黃土窖五日砂鍋盛鹽泥固濟日乾至臘日燒末入

麝少許各健效化毒散入

人猫猪狗臘晨燒 少許微將蜜水調

百者救生無一死 萬錠黃金也可銷

右將前四物於臘日早晨日未出盛貯於銷一錠銀
鍋子內用木炭火籠煅令烟盡白色為度但有發瘡
以覺有瘡或發不快倒推黑麝一切惡瘡並皆治之
每遇小童但覺瘡証每用藥一字用蜜調服萬無一
失據此藥工効無名可揚故以無價散呼之上項用
人貓猪狗四般乾糞依上法治用

救生散 治小兒班疹出不快倒陷欲死者

右用真蒲黃五月上旬丙丁子日采以銀器內慢火

炒令深紫色細研每藥一兩入真麝香一字研勻每
服一字至半錢入薄荷汁五點溫酒調下班疹黑陷
昏潰喘滿欲死者二三服神效

萬金散 治瘡疹已出未能勻遍色不紅潤

防風三錢 人參

蟬蛻各二錢

右為細末煎葡萄湯調下如無蜜葡萄亦可煎湯服
了急用芥子末白湯調如膏塗兒脚心乾即再傅其
毒漸復出瘡疹依前紅活

神效散 治小兒瘡泡欲出不出雖出不快倒屬者

右用鷄抱子殼內白皮不以多少以木炭火燒為灰

出火毒細研以新汲水調下每服半錢日三服

加味四聖散 治瘡出不快及變黑陷倒屬

紫草草 木通 黃耆炒川芎各等分甘草炙減半

右剉白水煎服大便秘加枳殼大便如常加糯米百粒或曰糯米能解毒發瘡一方加南木香同等分絲瓜湯發瘡疹最妙

右用絲瓜連皮燒存性為末湯調服楊氏曰發痘瘡最妙或加甘草紫草

安斑散

黃耆

赤茯苓

去皮

羌活

人參

去蘆

桔梗

去蘆

紫草

枳殼

炒各五錢

右剉紫草薄荷煎溫服熱而實者加升麻或加白朮

通糯米煎

快斑散

紫草草 五錢 陳皮 二錢 黃耆 三錢 赤芍藥 五錢

甘草 錢 炙 三

右剉加糯米百粒煎三歲以上服三錢以下一錢服
後瘡徧勻四肢住後服

犀角解毒飲 治小兒內壅邪熱瘡不出快

惡實四兩炒即牛蒡子 甘草一兩 防風五錢 荆芥穗二兩

右為末煎紫草糯米園荽子湯調食後臨睡日三服
或云瘡痘已出欲出熱盛服三四服消毒發瘡神效

一方為散水煎服大便實加大黃

猪苓湯 治暑天冒熱渴昏迷瘡出不快

猪苓去皮一兩澤瀉二兩白朮一兩

赤茯苓五錢二兩

右末加辰砂末煎車前子草生地黃麥門冬下

小柴胡湯

右加生地黃紫草木通車前草同煎服

方見瘡疹
大盛類

快毒丹 治疹痘瘡氣勻則出快蓋血隨氣行若內有邪熱使氣不勻宜服之

黑牽牛 南木香 各一分 肉豆蔻 一方用半兩

青皮 各等分半生半炒
一方用一兩五錢

右末滴水丸黍米大每服七粒至十粒量大小加減
丸數紫草葱湯下前賢處方有玄妙木香勻氣豆蔻
青皮補脾又以牽牛瀉腎膀胱之腑也

托裏散 小兒痘瘡毒根在裏或氣血虛弱或風邪穢
毒冲觸使瘡毒內陷伏而不出出不勻者快此藥活
血氣調胃補虛內托瘡毒使之盡易收易癈

人參去蘆川芎防風苦桔梗尾去頭甘草生的

當歸酒浸肉桂去皮取末川白芷不見火黃耆寸截水鹽

蒸厚朴姜汁浸一夕晒炙

右當歸人參黃耆各二兩餘各一兩為末拌勻木香紫草調下一名內托散

又托裏散補虛活血氣發瘡通行血氣位加

黃耆木香赤芍藥蟬退肉桂各等分

右用白水煎服

紅粉丹 治腑熱瘡疹不勻

龍腦

細研一錢

南星

臘日釀牛膽中白日內陰乾者取末

一兩

牛膽

中白日

坯子

染胭脂

硃砂

細研水飛

天竺黃

末各一兩

右研勻煉密和丸如鷄頭大每服一粒人參湯下

滑石散

滑石

甘草

炙各半兩

右為末每服一錢半鷄子清酒少許調下一方燈心

湯調下

一名王漿散

脫齒散 治瘡疹不出百藥不中者服此即出

右以人牙齒脫落者不拘多少於瓷內固濟大火煅令通赤候冷取出為末用薄荷酒調下半錢良久脉平和毒氣散瘡如粟米一方燒存性熱水調服

紫金散 療小兒瘡疹不快倒麝

紫草 蛇退皮炒焦 牛李子炒各五錢

右為麩末每服一錢水七分煎至四分去滓溫服
如聖散 療小兒班瘡不快倒麝

右用赤芍藥不以多少杵為細末每服半錢煎葡萄
酒冷調下白湯服亦可不拘時候

鷄蜂方 治小兒班瘡出不快

右用開花蘿蔔煎汁時時與飲之

玉訣酒調散 治發瘡疹不出

牛蒡子

五錢炒紫草

麻黃

去節各半錢

當門子

五粒一字

末

臭椿子

去皮為末一錢

右以溫酒調下一字或半錢

紫草湯 治三十六種內瘡子候

麻黃去節

人參各一
分

杏仁七粒
去皮

右麩末用水二盞煎至一盞去滓却分為三四服溫下分作二日服未可用諸藥

治小兒痘瘡出不快并傷寒不語

乾野人糞

炭火煅為灰

腦子

麝香各少許

右為末每服一二錢新蜜水調下

治小兒發斑瘡

大蟬蛻三十一個去足洗

甘草一錢半

右用水半椀煎至一盞旋與服盡效已用驗

治小兒斑瘡不發

右以乳香研細用豬心血為丸櫻桃大水磨下一丸
至聖未星飲子 治小兒瘡子不出及不快

硃砂一分

麝金半兩

右為細末每用一字或二字量兒大小入龍腦少許
以新汲水茶腳少許用調勻然後刺瀆猪尾血滴三

點子入藥汁中令服不過一二時辰瘡子出便紅活
兒無他病神效

紫草膏 治麻豆不快

殭蚕炒二個 麻黃去節各一錢 甘草炙各二錢 全蝎十個 紫草

白附子各一錢

右為末用蜜一兩酒半盞入紫草煎數沸後令旋旋
同和煎藥丸如皂角子大每服一粒用紫草湯化下
續用黃耆散調之

治瘡子未透黑膿者

右用蟬蛻不以多少洗净為末一錢熟水調下立見出透食乳者乳母亦服一錢神效

紫草木通湯 治瘡疹出不快

紫草 人參 木通 茶荳 糯米各等分

甘草減半

右剉散煎二錢溫服內虛大便利者可入南木香去

紫草一方無糯米用粳米

加味四聖散 治瘡痘出不快及變陷倒靨小便赤澁
餘熱不除一切候或被風吹復不見入皮膚內者

紫草茸 木通去皮 節 南木香 黃耆炒 川芎

甘草 人參各等分 蟬蛻去足翼

右剉散每服二錢水一盞煎不拘時候溫服大便秘
加枳殼少許大便如常加糯米百粒性解毒能驥而
發之

快斑散 治痘瘡出不快

紫草 蟬退

去足翼及土

人參

白芍藥

各一分

木通

一錢

甘草

炙半錢

右判散每二錢水一盞溫服

神驗散 治小兒瘡子黑色及出不快

鯉鯉甲

火炮黃色全老二十片

地龍

去土炒二十枚

紫草

五枚

右為細末每服半錢溫酒調下後用衣蓋紅色即出

四君子湯 痘疹論云胃主飢肉調脾進食活血勻氣

其瘡不致痒塌倍加

川芎 當歸 赤芍藥 木香 紫草 縮砂仁

陳皮 枳殼

各等分

右為末糯米湯調服

玳瑁散 治小兒瘡疹熱毒內攻紫黑色出不快

右用生玳瑁水磨濃汁取一合犢猪心一箇取中血
一皂子大同研以紫草濃煎湯調都作一服

殊聖奪命膏 治小兒瘡疹毒氣不散出不快及觸犯
黑色甲盛熟牛李子七日八日採於盆內研汁生絹

裂去滓用銀器盛慢火熬成膏瓷器內收常令透風
每服皂子大煎杏膠湯化下如人行二十里更進一
服其瘡疹自然紅色毒氣慢一切瘡疹出不快並可
服一名牛李膏至秋結實黑圓成穗或無生者市肆
中買乾者為末水熬代用薰汲治小兒瘡疹豆泡惡
候於皮膚下不出或出而不長及黑紫內陷亦用此
藥仍云汲小年病此危惡殆極父母不認視過錢乙
下此藥得安因懇求得其方遂傳於世惟於收時不

知早晚故無全効今并收時載之九月後取研瀘成
膏每膏二兩研入好麝香半錢收貯不津器中九籥
衛生方同但用桃膠半兩牛李子一兩炒為粗末每
服一錢水七分煎至四分去滓溫服治療亦同一云
牛李膏專治小兒瘡痘紫黑色陷寒顫噤牙憂齒身
黃紫腫三服不愈即死

紫草回班散 治小兒癩疹出不快或倒靨毒氣入服
紫草 苣 黃耆 桑白皮 木通 枳殼

白术各等分

右為粗末每服三錢水酒各半盞麝香少許同煎
四聖散 治痘瘡出不快倒靨或小便赤澁餘熱不除
一切惡候或被風吹復不見入皮膚內

紫草 木通 甘草 枳殼各等分

右㕮咀每服二錢水半盞煎三分溫服一方治伏暑
冒經暴發痘瘡欲作黑陷心腹脹滿一切危証於本
方中加黃耆等分名紫草散簡易云傷寒者表實而

裏虛瘡疹者表虛裏實傷寒之邪始干於皮膚漸次傳於臟腑瘡疹之毒始蓄於臟腑而漸次泄於皮膚理傷寒之法宜先解表然後解飢切不宜轉瀉使毒氣轉深變為斑瘡或為倒靨其候危矣此疾亦多因傷寒失於汗下邪毒內蓄或天疫癘長幼相似當隨証以施治焉

四味散 治小兒瘡疹欲出不快

大鯰乾者
為末 猪猪乾血 惡實 甘草炙各
等分

右為散三歲以下半錢七五歲以上一錢七煎赤芍藥酒調下不拘時候日夜各一服

發毒散 治小兒瘡疹出遲

地龍

去土

防風

去叉各等分

右為細末每服一字用酒水各少許調下不拘時候一方 治時疾發豌豆瘡子未透心煩狂躁氣喘妄語或見神鬼或已發而陷伏

龍腦

生一錢

右研細旋滴猪心血和丸如鷄頭大每服一丸心煩躁者同紫草湯化下若瘡子陷伏溫酒化下少時心神便定得睡瘡子發透已發而不甚快或變惡候

紫草湯 治瘡疹熱盛而發不透者

紫草茸 紫蘇葉 升麻 甘草

炙各等分半兩

右剉散水二盞糯米五十粒同煎一盞溫分兩服

黃耆散 治雪天瘡疹難出皮膚溫壯頭燒脚冷呵欠

困悶無時驚悸

嫩黃芪 嫩柴胡 蘇木 紫草 各等分

右㕮咀白水煎服大抵疹痘如見服表藥出更宜詳細審察若其色淡白根窠不紅經日不起發以倪溫中木香散主之如此後黑陷十救一二以文中異功散主之

痘瘡未見乃可發表

附論

夫小兒纔覺傷風身熱未明是與不是痘疹便宜發散可服四味升麻葛根湯如瘡疹始出一日至五七日之

間雖身熱腹脹足稍冷者不宜服也或身熱渴及驚懼腹脹汗出者皆不宜服而以十一味木香散治之古人立升麻湯蓋治痘瘡之常不治其變也未有斑點之前均發熱者常也已結痂癥之後均有餘熱弗鬱而飢表未清涼者一變也是亦升麻湯方狀云瘡疹已發未發謂未見斑點及作痂癥之後也若斑點既見痂癥未結其候萬變在隨証滲泄曾非一定可拘若傷寒之變患不一也豈可執一以應無窮之變或且升麻湯不過

涼肌解表而已未見斑點已結痂疘則可用之曷可用之於瘡疘正作之時乎若不究此令兒飢寒表弱陷伏而危殆矣○小兒壯熱昏睡傷風風熱瘡疘傷寒食相似未能變認間服升麻湯葛根湯惺惺散小柴胡湯甚驗蓋此數藥通治之不致悞也惟傷食則大便歐臭不消化畏食或吐宜以藥下之○海藏云傷食宜以藥下之者當詳其所傷何物生硬寒熱不等者不可用巴豆之類大毒之藥下之升麻葛根湯太陽陽明惺惺散風

熱咽不和脾不和少陽渴小便不利也小柴胡湯往來寒熱胷脇微痛少陽也然欲知其經當以脉別之○小兒耳冷手足乍暖乍涼面赤時嗽時嚏驚悸此瘡疹欲發也未能辨認間服升麻湯消毒散已發未發皆宜服仍用胡荽酒黃柏膏暑月煩躁食後與白虎湯玉露散熱盛與紫雪咽喉或生瘡與甘桔湯甘露散餘依前說大人小兒同治法惟劑小大不同耳○消毒散太陽藥白虎湯治身熱目痛鼻乾不得卧陽明藥也正為泄暑

之劑甘露飲子肺腎藥也甘桔湯少陽藥也紫雪天門
冬麥門冬黃芩地黃為血劑玉露散肺腎藥石膏寒水
石為氣劑

方

惺惺散 治小兒風熱瘡疹時氣頭痛壯熱目澁多睡
咳嗽喘篤

桔梗 真細辛去葉人參去 白茯苓去皮

甘草炙 白朮各一兩 真川芎一兩

右為簾散每服三錢水一大盞薄荷五葉生薑三片同煎至六分瀝去滓溫服不計時候量兒大小加減服

四味升麻湯葛根湯 治小兒熱欲作疹痘一日至五七之間或已發或未發但身熱肢體痛者先宜服之

白芍藥一方作赤芍藥川升麻一兩甘草 葛根一兩半

右為粗散每服三錢水一大盞煎至六分去滓溫服無時大小以意加減 一方加紫草

羌活散 治小兒寒邪時氣瘡痘變蒸潮熱涎盛頭疼

心煩躁渴氣粗

羌活 獨活 柴胡 川芎 細辛 白茯苓

人參

甘草

枳殼炒各一兩

天麻 地骨皮

前胡

桔梗

炒防風各五錢

右為末三歲一錢水半盞煎三分大小加減服之不

拘時

麻黃湯 治瘡疹煩渴甚者用之及痘正出煩喘渴躁

麻黃去節杏仁去皮尖桑白皮微炒甘草炙各等分

右瀝咀白水煎量兒大小為劑若肺數有熱未退入竹瀝一半和水煎或咽喉痛并嗽入麝香少許煩喘

咳嗽加射干一分一名杏

甘湯

葛根湯 治天時炎熱欲發豆瘡服此解肌發表

赤芍藥 石膏火煅乾葛 甘草炙各五錢黃芩五錢

無汗加麻黃自汗加桂皮

右剉葱白薄荷湯煎乳後服一方止用水煎

參蘇湯 治小兒凡覺身熱証似傷寒但未經瘡痘者

先與此藥和解之

前胡去蘆 人參去蘆 紫蘇葉 乾葛 半夏

茯苓

去皮各三錢

枳殼

去穰炒

陳皮

去白

甘草

桔梗

去蘆

錢五

右剉姜棗煎微熱服一方加青皮或白青皮紫蘇亦能表汗催出豆加木香

紅綿散 治傷風傷寒麻豆身熱發搐疑是痘証

天麻炮 荆芥穗各三錢 甘草炙 麻黃去節二分 全蝎

右末薄荷三葉紫草三寸入酒三五滴同水煎熱服
如痘未出再進一服如二服不出即非痘証

調解散 治痘瘡外為風寒所折榮衛不和內為乳食
所傷內氣壅遏以致冷硬

青皮 陳皮 桔梗 枳殼製 川芎 半夏姜製
木通 乾葛 柴胡 紫蘇 紫草 甘草炙等分

人參

炙半

右剉散每二錢姜二片棗一枚水一盞煎服未効加
楂根三寸一方無柴胡紫草一方無柴胡有當歸
不換金正氣散 治痘瘡外為風寒所折榮衛不和內
為乳食所傷內氣壅遏以致冷硬

蒼朮 橘紅 半夏橘 厚朴 姜製 甘草 炙

藿香葉 各一兩

右剉用川芎姜枣煎惡寒加肉桂紫蘿

人參羌活散 治小兒寒邪溫時疫瘡疹頭痛體痛壯

熱多睡亦治潮熱煩渴痰實咳嗽 一名惺惺散

羌活 獨活 柴胡 人參 茯苓 枳殼 麝炒

甘草

炙各二兩

前胡

桔梗

天麻

酒浸炙

地骨皮

各半兩

白茯苓

去皮二兩

右為散每服二錢水一盞入薄荷少許同煎去滓溫服不拘時候全嬰方加防風德生方如嗽加桑白皮八寶散 治小兒瘡疹已發未發在疑擬之間

白芍藥 羌活 升麻 乾葛 甘草 防風

撫芎 山藥子各分等

右㕮咀每服二錢水一盞煎至六分去滓溫服

五積散

方見傷暑濕門中寒類

右加紫草木香縮砂仁姜枣煎後服去麻黃陳氏木香散異功散通用

瘡疹壯熱煩渴附論

夫痘瘡出而身熱大渴者七味人參白朮散治之如不愈只服一味木香散如腹脹者或渴而渴或足指冷

而渴或驚悸而渴或人溫而渴身熱面㿠白色而渴寒
戰而渴或氣喘咬牙而渴或飲水轉渴不已皆非熱乃
脾胃虛而津液少也宜服十一味木香散如不愈更加
丁香官桂攻發其表裏不致庠禡喘渴而死也○出大
盛而面黃大便黑煩躁喘渴或腹脹者此為有瘀血在
裏宜犀角地黃湯及治瘍疹中衄血吐血毒氣彌盛若
不鮮利其害尤速如抱龍丸至寶丹生犀磨汁紫雪之
類皆可選而用之若大便不秘實小便不赤黃恐外熱

而內寒又當別求治法也

方

葛根麥門冬散 治小兒熱毒斑痘頭痛壯熱心神煩

悶

葛根 麥門冬去心各三錢 人參去蘆二錢 石膏五錢

甘草 川升麻各三錢 荻苓三錢 赤芍藥一錢

右為粗末每服三錢水一大盞煎至六分去滓溫服

不拘時候量兒大小增減服

生地黃散 治小兒斑駭瘡癰身熱口乾咳嗽心煩

生地黃

半兩
去土

麥門冬

去心
七錢

杏子

去皮尖
炒微黃

欵冬花

陳皮

各三
錢

甘草

二
半錢
錢

右為粗散每服三錢水一大盞煎至六分去滓溫服
不計時候量兒大小加減服

人參清膈散 治瘡豆屬後熱毒不解涕唾稠黏鼻乾

身熱咳嗽痰喘潮熱煩渴咽膈不利大便如常小便

黃赤

人參去蘆 柴胡去蘆 當歸 芍藥 地骨皮

桑白皮炒 茯苓去皮 白术 黃耆 知母 紫苑

甘草炙 桔梗各一兩 黃芩半兩 石膏 滑石各一兩
五錢

右為粗末每服三錢水一盞生姜三片同煎至六分去滓溫服不拘時候量兒大小加減服

前胡枳殼湯 治痘瘡癧後痰實壯熱胃中煩悶卧則喘滿大便堅實

前胡一兩 枳殼 赤茯苓 大黃 甘草炙各半兩

右為粗散每服三錢水一大盞煎至六分去滓溫服
不拘時候量兒大小加減如身溫脉微并瀉者不可
服

人參白术散 治小兒痘瘡已癰身熱不退此藥清神
生津除煩止渴一名白
术散

人參 白术 薤香葉 木香 甘草

白茯苓六味各
一兩 乾葛二兩

右為粗散每服三錢水一大盞煎至六分去滓溫服

不計時候如腹脹滿瀉渴足指冷者只服十一味木
香散治之

赤茯苓散 治疹痘瘡出後欬逆脇痛吃食不下

赤茯苓

甘草

炙微
赤剗

大青

升麻

枳殼

慈皮炒黃
各半兩

梔子仁 一分

右咬咀每服入竹葉淡豉煎量兒大小為劑

犀角飲 治小兒疹痘瘡其赤瘡子正盛令不入眼
一名一

散 調肝

鈎藤 鈎子

川大黃

甘草

犀角屑

桑白皮

麻黃

去根節各一分

龍膽草

半分

石膏

瓜萎根

黃芪

各半

分

右㕮咀白水煎量兒大小為劑錢氏方名調肝散治
瘡疹大盛令不入目也一方瘡子退後用犀角濃磨
塗之更良

山梔子湯 治皴疹及斑毒狀如蚊蠅所噏若毒盛色

黑者宜服宣毒膏

山梔子仁 白鮮皮 赤芍藥 升麻 各一

兩

寒水石 甘草 各半

兩

右為末入紫草薄荷各少許煎服量兒大小為劑

牛黃丹

牛黃

川大黃

各一
兩

粉霜

硃砂

各一
分

右為末同研勻煉蜜丸如黍米大煎人參湯下量兒

大小為劑

通關散 治斑瘡水痘心躁發渴及小便赤色口舌生

瘡通心經

車前子 木通 甘草 瞿麥 山梔子仁

赤茯苓 人參 滑石 分各一
大黃錢篇蓄半兩取

右為末灯心草畧煎四五沸服量兒大小為劑

黃芪散 退熱調養

黃芪 柴胡 乾葛 甘草 人參
分各等

右㕮咀白水煎量兒大小為劑一方無人參用薄荷

葉三葉煎

黃芩甘草湯 治痘瘡閉熱不出煩躁不得服

黃芩七錢半

赤芍藥

甘草各五錢

右㕮咀每服三錢水一盞若胃中虛冷其人能食飲水即噦脉浮發熱口鼻中躁能食者必効加大棗一枚同煎若嘔者加半夏少許生姜三片同煎若食少者加參枣煎量兒大小各去滓加減服

大青四物湯 治熱病汗下後身熱不除斑出如綿紋煩躁不得卧

大青

阿膠

甘草

豆豉

各一
兩

右㕮咀每服五錢水一盞半先將大青甘草豆豉煎至七分後入阿膠再煎令沸量兒大小加減服

白虎湯 治溫熱及中暑煩渴并治小兒豆泡皴瘡
赤黑出不快及疹毒餘熱

石膏

四兩

知母

一兩半

人參

四兩

甘草

炙二兩

右剉糯米煎米熟為度子母同服但加生姜棗煎渴盛更加春夏秋寒有証亦服但加棗煎小兒減半

楊氏方敗毒散

方見傷寒門傷寒類

右倍加甘草生枳殼糯米煎服一方加紫草黃芩生

地黃煎服

導赤散

生地黃

焙乾

甘草

炙

右等分水煎服一方為末每服三錢水一盞入竹葉同煎五分食後溫服不用甘草用黃芩

神功散 治痘瘡大熱發狂譫語此藥清心涼肌退熱

消毒服此藥鮮利及熱毒已攻頭目咽喉

黃芩

柴胡

去蘆

桔梗

去蘆

防風

去蘆

荆芥穗

木通

陳皮

去白

枳殼

煨去油

牛蒡子

炒赤芍藥

紫草

赤茯苓

甘草

各等分

右剉灯心白附子麥門冬煎大便秘大熱加煨大黃
糯米煎微利即止後服大熱加竹茹大熱加北薄荷
山梔子仁天花粉

甘草散 治瘡痘畧出煩渴不止

粉草 微炙

括萎根 等分

右為末煎服一錢甘草通血脉發瘡痘

烏梅湯 治瘡痘熱渴

小黑豆

菉豆各一

烏梅

二箇

右㕮咀新汲水一盞煎至清汁旋服

又方

用羌活散消風散消毒飲合和竹葉生地黃土朱煎
服

人參麥門冬散

治發渴煩熱及瘡痘身熱

麥門冬

一兩
去心

人參

去苗
炙

甘草

炙

陳皮

白朮

厚朴

姜製各半兩

右為粗散每服三錢水一大盞煎至六分瀝去滓溫
服不計時候量兒大小加減與服

捻金散

治小兒麻痘瘡疹欲出渾身壯熱情緒不樂

飲食不思服此可以內消仍令瘡無瘢痕

方見本門
瘡疹已出

未出類一
名四砂湯

透飢散 治臟腑蘊熱毒氣蒸薰瘡出不快煩喘昏悶

方見本門瘡疹出不快類一名化毒散

消毒飲子 治毒氣壅遏壯熱心煩痘疹難出未能透

方見本門瘡疹攻咽類一名鼠粘子湯

紅花升麻散 治小兒疹痘麻子潮熱焦啼煩渴寒凝難出者

升麻 荷葉 乾葛 紅花 蘇木 麻黃去節

黃芩 甘草

各分等

右為散白水煎服

瘡疹大盛

附論

瘡痘有可下証者以其出得大盛當結膿泡痂疘而不
結者此是毒氣內外貫注若不速解之毒氣內入攻心
為害極大治法宜猪尾膏其有不結膿疮疘反能食
而喘腹脹譫語不大便者當以承氣湯下之如甚而渴
面赤悶亂大小便澁或大吐者合利其小便通關散主
之或瘡疹已出定膿汁不乾而大便不通者宜牛黃丹

或有瘡疹症而未見斑點胃熱潮作氣粗腹脹大小便秘驚悸煩渴脉沉滑而數者此是毒盛而不得泄亦當用藥下之則內無滯塞榮衛升降其勢將自出此皆合下証也

方

鼠粘子湯 如斑子已出稠密身表熱急與此藥以防已後青乾黑陷

粘子 炒香 當歸身 酒浸 甘草炙各一錢 柴胡五分

連翹 黃芪 黃芩 各一錢
半地骨皮 二錢

右為粗末每服二錢水煎去滓溫服空心藥畢且休

與乳食

一證出大盛而面黃大便色黑煩躁喘渴或腹脹此有瘀血在裏宜與服小柴胡湯犀角地黃湯昔王子亨指迷方曰痘瘡半在表半在裏反熱毒大盛服此佐以快毒丹使氣調勻則出快不致倒虧及秋冬之間痘瘡發而不起由腎氣強盛胃氣稍弱瘡又黑陷加減用之

小柴胡湯

柴胡 去蘆

人參 去蘆

黃芩

甘草

炙各

一兩

半夏

湯泡

二兩

右剉姜三片枣一枚服冬春腎強脾弱黑陷如嗽加

五味子二兩

柴胡

三錢性
寒治肝

甘草

一錢
調脾

生姜

二錢正
胃氣

右加減煎服咳嗽加五味子

犀角地黃湯 治瘡瘍壅盛喘急浸淫成片及治傷寒
溫病應發汗而不發汗內有瘀血者及鼻衄吐血不

盡內有餘瘀血面黃大便黑者此方消化瘀血并小兒體氣實熱瘡疹出得大盛此方解之如體衰熱弱不宜用一名解毒散

犀角一兩如無以

生地黃半觔

赤芍藥七錢

半

牡丹皮一兩

右剉每服五錢水一盞半煎取一盞溫服有熱旋加黃芩二兩其水脉大來遲不滑者是為無熱更不用

黃芩也

一證毒氣彌盛瘡中吐衄出大盛之時不能解利其害尤速宜抱龍丸生犀汁小柴胡湯

生犀方

生犀角

不用盛
湯酒者

右用新水磨汁食後服

消毒散

右紫草生地黃煎下

抱龍丸

天竺黃

一兩木草云乃
破竹中黃末

雄黃

一錢辰砂五錢

麝香

一錢

牛膽臘月釀南星

四兩如無生
南星炒用

右為細末甘草水丸皂角子大用溫湯化下
疹痘論甘草散若瘡未出及雖出燥渴者宜服

右用大甘草不拘多少炙過為細末每服一錢或二
錢水一盞煎至六分去滓不計時候呷之以少解利
熱毒即止若瘡出遲當服紫草飲子大人當鍼兩腕
覬子骨間男左女右取或更灸一壯亦助發出疹

痘毒氣已發不必用之

治小兒麻豆瘡子已出大盛發潰膿水黏衣着席不能轉動疼痛濕潤傳之便更不成瘢痕

用牛糞不拘多少曬乾火煅成灰取心中白者研令極細如用蛤粉相似用綿撲撲於有瘡處不拘時候瘡乾以陳酥潤之一方用烏牛糞一方用臘月黃牛糞日乾燒灰瘡疹潰爛者膿汁沾衣衾卧睡不得用灰鋪一寸許在床上令睡之或瘡大而成片無皮或

成豆癰皆用黃牛糞糲之一方用菖蒲作末如前用尤佳一方麩麥亦如前用如嬰孩有此証用絹綑床子與之睡為妙

治小兒因患瘡疹其間有瘡大成片或有成豆癰成膿爛痛不可忍者極好生葛不拘多少搗爛用絹袋子盛擺水中隨擺隨接澄取粉攤紙上焙乾為末摻瘡濕處神効

調肝散 治瘡疹大盛宜服令瘡不入眼

生犀二錢

龍膽一錢

黃者半兩

桑白皮半兩

炒黃

大黃二錢

去節

石膏一錢

半兩

鈎藤子一錢

桔梗去皮

甘草炒各

二錢

當右為末每服二錢水煎食後溫服微利効